

Càmbiu de residèntzia sena fàghere prus sa fila a s'isportellu

Dae su 9 de maju sos tzitadinos podent presentare sas decraratziones anagràficas – de residèntzia e de trasferimentu a s'èsteru – sena s'òbligu de andare a su Comunu, ma mandande-ddas cun sa posta o fintzas cun su fax o sa posta eletrònica. Si si usat sa posta eletrònica, tocat a firmare sa decraratzione cun sa firma digitale, èssere identificados dae su sistema informàticu – pro esèmpiu cun sa carta de identidade eletrònica o sa carta nazionale de sos servìtzios –, mandare sa decraratzione dae sa casella de posta eletrònica certificada de su decrarante e mandare cun sa posta eletrònica 'sèmplitze' còpia de sa decraratzione cun sa firma autògrafa e de su documentu de identidade de su decrarante.

Totu sas informatziones e su modellu de sa decraratzione sunt in sa tzircolare de su dipartimentu Afàrios Internos e territoriales n.9 de su 27 de aprile 2012.

(dae www1.interno.it/ministero)



Festa de Santa Maria

Fintzas a s'8 de cabudanni sighit sa festa in su novenàriu de Santa maria de Turrana.

Festa de Santu Nigola

Dae su 9 a su 18 de cabudanni s'at a afestare Santu Nigola in su novenàriu in su sartu.

Comune de Sorradile
Provintzia de Aristanis

Sa redatzione de *Novas sorradilesas* est
contivizada dae su Servìtziu linguìsticu sardu
de su Comune de Sorradile
(*Sotziedade Cooperativa L'ALTRA CULTURA*)

S'isportellu linguìsticu est a disponimentu de tzitadinos, maistros de iscola, professores, istudiantes pro cale si siat informatzione, duda, bibliografia, sitografia in contu de sa limba sarda, pro consulèntzias didàticas e pro cussizos chi pertocant sas règulas de iscritura de su sardu.



Comune de Sorradile
Provintzia de Aristanis

www.comune.sorradile.or.it

Novas sorradilesas

Newsletter periòdica de informatzione
istitutzionale de su Comune de Sorradile

Cabudanni 2012 (9) *Marinella Marras*